

CAft:

Implementacion di Protocol determina y necesario pa finanzas publico sostenibel



ORANJESTAD (AAN): Diabierna un biaha mas CAft a tene un conferencia di prensa, despues di nan bishita riba nos isla. Durante e conferencia di prensa presidente di CAft Raymond Gradus a papia riba e hecho cu riba cu riba 22 di November 2018 a keda acorda un protocol entre Aruba y Hulanda pa logra finanzas publico sos-

tenible.

E acuerdo ta cu lo mas rapido posibel lo realisa un surplus di minimo 1% di PIB (GDP) ariba e presupuesto. Di e forma aki lo reduci na un manera substancial, e quota di debe, cual awor ta cerca di 90% di GDP.

E entradanan inespera pa e proximo añanan mester beneficia e reduccion di e deficit. Segun Gradus, e saneamento di e finanzas publico mester por logra mediante di un reduccion substancial di gasto publico. E aña 2019 aki Aruba mester reduci e gastonan nominal di personal.

Pesey ta importante pa moderniza e sistema di impuesto den di un manera firme. Esaki tambe lo duna un incentivo pa e economia.

Pa e presupuesto 2019 a keda acorda un deficit di -0,5% di e GDP. Debi na falta di informacion relevante y legalmente prescribi, CAft no por evalua si cu e presupuesto 2019 aproba, Aruba ta riba caminda pa un finanzas publico sostenible. E calculacionnan di impuesto y e fondo presupuestario temporal pa e plan di crisis social no ta suficientemente hustifica, cu ta haci cu e nivel di realidad di e presupuesto no por keda determina. Tambe ta falta un maneho general di dividendo, cu ta pone cu e ingresonan di e Sector Publico lo ta mas predecible. Den pasado cu demasiado frecuencia a inclui dividendonan halto cu despues a resulta cu no tabata realistico.

Aruba den 2019 a cuminsa

reforma e sistema di impuesto. Un plan di impuesto integral ainda no ta disponible. Esey ta haci cu CAft no por determina con realistico e ingresonan di impuesto ta. CAft ta yama e Gobierno pa den forma diligente elabora un plan y indica con pa promove e eficiencia di e administracion di impuesto. Ademas riba otro areanan tambe mester tin eficiencia den e aparato Gubernamental. CAft ta desea di tin mas bista den e fondonan presupuestario di Aruba. Pa CAft no ta suficientemente clara unda ta gasta e fondonan ey y cua ta e riesgonan di e fondonan pa e presupuesto di Aruba. Pa loke ta e presupuesto di aña 2019, CAft a haya e splicacion di e plan di crisis social provicional di e fondo presupuestario di Aruba insuficiente.

Gradus a indica cu durante e dianan cu CAft tabata na Aruba, a realiza discusionnan cu e Gobernador, e Minister di Finanzas, Asuntonan Economico y di Cultura y cu Consejo di Minister.

Ademas CAft a haci un bishita na Banco Central y Consejo di Accesorio. Diahuebs 14 di Februari ultimo e presidente di CAft, a duna un charla publico bou e titulo "Riba caminda pa un finanzas sostenibel", den cual el a splica e desarojo di finanzas publico na Aruba den un perspectiva economico. E charla a keda organiza cu colaboracion di Universidad di Aruba y e presentacion di Powerpoint ta disponible riba e pagina web di CAft.